

ՄԻՋԱԶԳԱՅԻՆ ԳԻՏԱԺՈՂՈՎ ԵՐԵՎԱՆՈՒՄ, ՆՎԻՐՎԱԾ ՄԵԾ
ԵՂԵՐՄԵԻ 75-ԱՄՅԱԿԻՆ

1990 թ. ապրիլի 17—20-ը ՀԽՍՀ գիտությունների ակադեմիայում տեղի ունեցավ «Հայերի ցեղասպանություն. պատմություն, տեսություն, քաղաքական պատասխանատվություն» թեմայով միջազգային գիտաժողով: Գիտաժողովի բացումը համբնակավ ՀԽՍՀ ԳԱ ընդհանուր ժողովի հետ:

Միադյուլ նիստը ներածական խոսքով բացեց ՀԽՍՀ ԳԱ պրեզիդենտ Վ. Հ. Համբարձումյանը: Նա մասնավորապես նշեց, որ Մեծ Եղեռնը ծրագրված ոճրագործություն էր Բուրժուական հայերին լրիվ ոչնչացնելու, նրանց անկախացման ձգտումներին վերջ տալու և դրանով Լեռնավոր Ասիայում Ռուսաստանի սոցիալիստական տարածմանը դիմադրավելու նպատակով: Բուրժուայում վարվող հակահայկական քաղաքականությունը ժառանգելին նաև բնավականները, որոնց ձեռքերով վերացվեցին հայության վերջին բնկորները Լեռնաստանը, Հայաստանում, Կիլիկիայում, կաղմակերպվեցին հայկական կոտորածներ Լեռնայան Հայաստանում:

Վ. Հ. Համբարձումյանը գիտաժողովի կարևոր նպատակը համարեց Մեծ Եղեռնի վերաբերյալ պատմագիտական ուսումնասիրությունների արդյունքների ամփոփումը, ցեղասպանությունը ժխտելու, թաքցնելու կամ արդարացնելու խղճարկանության դեմ միջոցների մշակումը, որպեսզի առհավետ կանխվի ցեղասպանությունը մարդկության կյանքում:

Այնուհետև «Հայ ժողովրդի մեծ ողբերգությունը» թեմայով ղեկուցմամբ հանդես եկավ ՀԽՍՀ ԳԱ ակադեմիկոս Մ. Գ. Ներսիսյանը: Նա հատկապես նշեց այն հանգամանքը, որ երիտթուրքերը ձգտում էին դանդաժալեն ջարդերի միջոցով իրենց հաշիվները մաքրել կայսրության ոչ թուրք ազգերի ու սոցիալիզմների (հայերի, հույների, արաբների, բոլեոնի, ասորիների և այլն) հետ, որոնք դիտվում էին որպես լուրջ խոչընդոտներ Եւանթուրքիստական նպատակների ու ծրագրերի իրականացման համար: Թուրք շովինիստների տոչալին արվածն ուղղվեց հայերի դեմ, որպեսզի վերջ դրվի Հայկական հուղեռն և ճանապարհ հարթվի Կովկասի դրավման համար:

Ձեկուցողը կանգ առավ մի շարք փաստաթղթերի վրա, որոնք անհերքելիորեն հաստատում են հայերի դանգվածային կոտորածները Լեռնայան, օրինակ, Կ. Պոլսում գերմանական ղեկապան, համոզված թուրքոֆիլ բարոն Ֆոն Վանդենայմը իր գաղտնի ղեկուցադրում, ուղղված Գերմանիայի կանցլեր Բեռման Հոլվեյին, 1915 թ. հունիսի 17-ին հաղորդում էր. «Միանգամայն ակնհայտ է, որ հայերին աքսորելը կապված չէ միայն ռազմական նկատառումների հետ: Վերջերս ներքին գործերի մինիստր Թալեաթ բեյը առանց բաշվելու հայտարարել է կայդերական ղեկապանության աշխատակից ղեկադր Մորդմանին, որ «Բարձրագույն Դուրը ձգտում է օգտագործել համաշխարհային պատերազմը, որպեսզի վերջնական դատաստան տեսնի իր ներքին թըշնումիների (տեղական քրիստոնյաների) հետ, առանց հարուցելու դիվանագիտական միջամտություն արտասահմանից»: 1915 թ. հուլիսի 7-ին նույն ղեկապանը դրում էր կանցլերին. «Լեյզ գործողությունները (իմա՝ հայերի ռոնապաղթը) և այն ձևերը, որոնց միջոցով կատարվում են դրանք, վկայում են այն մասին, որ կառավարությունը իրոք նպատակ ունի ոչնչացնել հայ ցեղը թուրքական պետության մեջ»: Գերմանական հաղորդ գեսպան կոմս Վոլֆ Մետերնիխի գաղտնի ղեկուցագրերից մեկում, 1916 թ. հունիսի 30-ին հաղորդվում էր, որ երիտթուրքերի կուսակցության կենտրոնական կոմիտեն «պահանջում է ընաչինչ անել հայերի վերջին մնացորդները»:

Զեկուցողը կանգ առավ 1915—1916 թթ. արևմտահայության ինքնապաշտպանական կռիվների և մասնավորապես Վանի հերոսական ինքնապաշտպանության վրա, շոշափեց Հայկական հարցի հետ կապված ժամանակակից մի շարք խնդիրներ:

Այնուհետև «Հայերի ցեղասպանության ուսումնասիրությունը. պատմական մոտեցում» թեմայով զեկուցմամբ հանդես եկավ ՀԽՍՀ ԳԱ արտասահմանյան անդամ Ռիշարդ Հովհաննիսյանը (ԱՄՆ): Հեղինակը զեկուցման մեջ մանրամասն կանգ առավ հայոց ցեղասպանության պատմության փուլերի վրա, սկսած 1890-ական թթ. մինչև մեր օրերը:

Դեռ 1915 թ. Թուրքիան ժխտում էր հայերի տեղահանությունն ու կոտորածները, կատարվածի համար մեղադրում էր հայերին, որ իբր թուրքերը միայն պաշտպանվել են հայերի անհնազանդությունից: Երիտթուրքերի տապալումից հետո Ստամբուլի թուրքական նոր կառավարությունը ընդունեց ցեղասպանության փաստը: 1920-ական թթ. թուրքական կառավարությունը վարում էր ցեղասպանությունը մոռացության տալու քաղաքականություն: Մեծ Եղեռնի 50-ամյակից հետո թուրքերի գործելակերպում նկատվեցին նոր փոփոխություններ: Եվրոպացի, ամերիկացի զինականների մասնակցությամբ տարբեր լեզուներով հրատարակվեցին աշխատություններ, պրոպագանդիստական նպատակներ հետապնդող գրքեր, որոնց մեջ այս անգամ արդեն խոսվում էր հայերի ողբերգության մասին, բայց միաժամանակ հավասարության նշան էր դրվում երկու կողմերի կրած կորուստների միջև, կեղծվում էր Թուրքիայում զոհված հայերի թիվը, ցեղասպանությունը և տարագրությունը բացատրվում էին պատերազմական մոտիվներով, Ռուսաստանի առաջխաղացմամբ և այլն:

Ցեղասպանության խնդիրն ուսումնասիրելիս հաճախ անտեսվում են երկրների միջև հաստատված առևտրատնտեսական և սոցիալական հարաբերությունները, մինչդեռ հենց դրանով էին պայմանավորում ԱՄՆ-ի կոնգրեսում հայկական ցեղասպանության բանաձևի վերաբերյալ վեճերը ընթացիկ տարվա փետրվարին: Ամերիկյան մի շարք քաղաքական գործիչներ, գործարար շրջանների մարդիկ շքանկացան իրենց տնտեսական շահերի հաշվին վատացնել հարաբերությունները ՆԱՏՕ-ի իրենց դաշնակից պետության հետ: Ամերիկյան առևտրի 40 ընկերություններին կոնգրեսին ուղղված նամակում ասվում էր, օրինակ, որ բանաձևի վավերացումը մեծ վնաս կպատճառի Թուրքիայի հետ ունեցած հարաբերություններին: Այս և սրա նման ճնշումներն էլ ամերիկյան բարձրագույն մարմնի վրա ի վերջո խաղացին իրենց դերը և բանաձևը չընդունվեց:

Լավեց նաև Տեսսա Հոֆմանի (Արևմտյան Բեռլին) զեկուցումը «1915—1917 թթ. գերմանական փաստաթղթերը և ականատեսների վկայությունները հայերի ցեղասպանության մասին» թեմայով:

Զեկուցողը մասնավորապես նշեց, որ գերմանական աղբյուրները հսկայական նշանակություն ունեն 1915 թ. Թուրքիայում տեղի ունեցած դեպքերի հետազոտման համար, քանի որ Գերմանիան առաջին համաշխարհային պատերազմի ժամանակ Օսմանյան կայսրության ռազմական ու քաղաքական դաշնակիցն էր:

Զեկուցողը գերմանական վավերագրերը դասակարգում էր հետևյալ կերպ՝ գերմանական պաշտոնական անձանց՝ հիմնականում դիվանագետների կարծիքներ և հաղորդումներ, գերմանացի միսիոներների, բժիշկների, Բաղդադի երկաթուղու շինարարությունում աշխատած ինժեներների հուշագրություններ և զինվորական առաքելությամբ Թուրքիայում եղած սպաների վկայություններ: Փաստաթղթերի յուրաքանչյուր խմբին ուրույն մոտեցում է պետք: Հատկապես արժեքավոր են գերմանացի միսիոներ, աստվածաբան 3. Լեփսիուսի գրառումներն ու հուշագրությունները: Գերմանիայի արտաքին քաղաքականության մինիստրության արխիվից նրա կազմած ժողովածուն մինչ հիմա եղած գերմանական վկայությունների ամենահարուստ ու բովանդակալից ժողովածուն է:

Վ. Ա. Նադեին-Ռակսկին (Մոսկվա) իր «Հայերի ցեղասպանությունը պանթուրքիստական ուսմունքի լույսի ներքո» թեմայով զեկուցման մեջ մանրամասն կանգ առավ ժամանակակից պանթուրքիզմի վրա: Հարցերի նույն խումբն էր լուսարանվում նաև Մ. Հ. Քոչարի և Ռ. Ա. Սաֆրաստյանի «Ցեղասպանության գաղափարի հասունացումը Թուրքիայում (XIX դարի II կես— XX դարի սկիզբ)» և Միհրան Դաբազի (ԳՖՀ) «Պանթուրքիզմի աշխուժացումը երկրորդ համաշխարհային պատերազմի ժամանակ» զեկուցումների մեջ:

Յու. Գ. Բարսեղովի (Մոսկվա) «Մտադրությունը որպես ցեղասպանության հանցակազմի սուբյեկտիվ տարր» և Հ. Վ. Հակոբյանի (Երևան) «Ցեղասպանությունը և միջազգային իրավունքը» զեկուցումներում հայկական ցեղասպանությունը դիտվում էր միջազգային իրավունքի տեսանկյունից, քննարկվում էր 1948 թ. դեկտեմբերի 9-ին ՄԱԿ-ի Դիսավոր Ասամբլեայի ընդունած կոնվենցիան: Կոնվենցիայի չափանիշներով գնահատվեցին ցեղասպանական ակտերը Սումգայիթում և Բաքվում, որտեղ կատարված դեպքերը լիովին համապատասխանում են կոնվենցիայի 2-րդ և 3-րդ հոդվածների դրույթներին:

Զառնի Իդրաբեի (Իսրայել) «Հայտնի ցեղասպանությունների ժխտման հոդերանությունը», Ռոշեր Սմիթի (ԱՄՆ) «Ցեղասպանության ժխտումը և արդարացումը (Հայկական Եղեռնի օրինակով)», Հաֆեզ Ֆուադ Հասանի (Եգիպտոս) «Պատասխանատվություն ցեղասպանության համար» զեկուցումներում բացահայտվեցին ինչպես հայկական, այնպես էլ այլ ցեղասպանությունների ժխտման հոգեբանության պատմական, սոցիալ-տնտեսական և մշակութային արմատները, նախանշվեցին ուղիներ դրա լայն լուսարանման և դրա դեմ պայքարի համար:

Մի շարք զեկուցումներում ի հայտ էին բերվում նոր աղբյուրներ, որոնք մինչ այժմ դիտական շրջանառության մեջ չէին դրված: Այդ առումով հիշատակելի են Արտեմ Օհանջանյանի (Ավստրիա) «Ավստրո-հունգարական կայսերական և թագավորական փաստաթղթերը և Հայկական հարցը», Վ. Միքայելյանի «Հայերի ցեղասպանությունը ըստ գերմանական աղբյուրների (նոր վավերագրեր)», Բուլդուրջյան Նելիդա Ելենայի (Արգենտինա) «Հայկական ցեղասպանությունը 1915—1916 թթ. արգենտինյան մամուլում», Եվտիլ Միրոյունի (Հարավսլավիա) «Վիկտոր Բերարը (Ֆրանսիա) հայ ժողովրդի ցեղասպանության մասին», Ա. Ա. Հովակիմյանի «1896 թ. հայերի կոտորածը և Պոլսում ըստ սերբական դիվանագիտական փաստաթղթերի», Վ. Կոճոյզյան—Հովհաննիսյանի (ԱՄՆ) «Հիշողությունների դերը հայկական ցեղասպանության ուսումնասիրման գործում» զեկուցումները:

Զեկուցողների մի խումբ ուսումնասիրման առարկա էր ընտրել Մեծ Եղեռնի լուսարանման հարցերը թուրքական (Ֆոսս Կլայվ (ԱՄՆ), Մ. Տ. Բոշոլյան) ֆրանսիական (Ռ. Գ. Սահակյան), արաբական (Ն. Հ. Հովհաննիսյան) պատմագրության գնահատմամբ:

Թուրք-ադրբեջանական հակահայկական դործակցության հարցերը մանրամասն քննվեցին Հ. Ա. Ավետիսյանի («Երիտթուրքերի և մուսավաթի հակահայկական դործակցությունը և կոտորածները 1918 թ.»), Լ. Ա. Խուրշուդյանի («Ցեղասպանությունը օսմանյան Թուրքիայում և Ադրբեջանում որպես Հայկական հարցի լուծման «միջոց»»), Վ. Ե. Խոջաբեկյանի («Ցեղասպանությունը արդի Ադրբեջանում: Ժողովրդագրական պրոցեսներ»), Հ. Ռ. Սիմոնյանի («Քեմալական Թուրքիայի ագրեսիվ քաղաքականությունը և 1921 թ. մարտի 16-ի Մոսկովյան պայմանագիրը») զեկուցումներում:

Ուլադրուժայմը լսվեցին նաև Ռոբերտ Մելսոնի (ԱՄՆ) «Հեղափոխություն և ցեղասպանություն», 1915 թ. հայերի ցեղասպանության և քնաշնչման պատճառները», Վ. Տատրյանի (ԱՄՆ) «Թուրք դինվորականների դերը հայերի ցեղասպանության մեջ», Քրիստոֆ Դինկելի (ԳՖՀ) «Գերմանական սպաները Օսմանյան կայսրությունում և հայերի ցեղասպանությունը», Ֆոն Ռենեսե Էսնստ-Ալրեխտի (ԳՖՀ) «Հայկական հարցը կայսերական Գերմանիայում»,

լևոն Պողոս Զեքիյանի (Իտալիա) «Հայերի ցեղասպանություն հասկացության մասին» և այլոց զեկուցումները:

Յ. Ն. Մարինյանի («Ցեղասպանության արտացոլումը. XIX դարի հայ գրականության մեջ»), Ա. Կ. Նդիազարյանի («Նդեռնի և ազատագրական շարժման արտացոլումը խորհրդահայ գրականության մեջ»), Ա. Գ. Զաքարյանի («Նդեռնի Նդիշե Զարենցի «Դանթեական առասպելը պոեմում») զեկուցումներում ռացիալիզմի նախախորհրդային և խորհրդային հայ գրականության մեջ Մեծ Նդեռնի և հայ ազատագրական շարժման լուսարանման հետ կապված հարցերը:

Գիտաժողովի մասնակիցները վերջում ընդունեցին հետևյալ կոչը՝ ուղղված ինքնուրույն Գերագույն խորհրդի նախագահ Ա. Ի. Լուկյանովին:

Ապրիլի 17—20-ը Երևանում անցկացվեց «Հայերի ցեղասպանությունը. պատմություն, տեսություն, քաղաքական պատասխանատվություն» միջազգային գիտական խորհրդաժողովը 1915 թվականի ցեղասպանության 75-ամյակի առթիվ: Խորհրդաժողովին մասնակցում էին 16 երկրների (ԽՍՀՄ, ԱՄՆ, Կանադա, ԳՖՀ, ԳԴՀ, Արևմտյան Բեռլին, Ֆրանսիա, Հարավսլավիա, Արգենտինա, Իսրայել, Ավստրիա, Կիպրոս, Իտալիա, Շվեյցարիա, Նիդերլանդներ, Սիրիա) գիտնականներ:

Խորհրդաժողովի մասնակիցները օսմանյան Թուրքիայում իրագործված հայերի ցեղասպանությունը դատապարտեցին որպես ռեպրեսիվ և անարդարության մարդկության դեմ: Նրանք ցանկություն հայտնեցին, որ ԽՍՀՄ Գերագույն խորհուրդը բնակիչ հայերի ցեղասպանության դատապարտման հարցը, նկատի առնելով, որ միջազգային գիտական հասարակայնության անսակնեղ հայերի ցեղասպանության փաստը անհերքելի է և հաստատվում է եղած բոլոր փաստաթղթերով:

Գիտնականները տաղնապ հայտնեցին այն առթիվ, որ մեծ օրերում էլ են փորձեր արվում աղջային պրոբլեմները լուծելու բռնագործ միջոցով, դիմելով մարդկանց ոչնչացման էթնիկա-աղջային հողի վրա: Ուստի ԽՍՀՄ Գերագույն խորհրդի կողմից հայերի ցեղասպանության պատմական դատապարտումը կարգ է նպաստել ապագայում որևէ ժողովրդի նկատմամբ ցեղասպանության գործողությունների կանխմանը:

Ձեզ ենք, դիմում հաստատակամ խնդրանքով՝ հրապարակայնության քաղաքականության ոգով օժանդակելու ԽՍՀՄ զանգվածային լրատվության կենտրոնական միջոցների կողմից խորհրդաժողովի արդյունքների լուսարանմանը, որը նվիրված էր հայերի ցեղասպանության ապրիլի 24-ին նշվող 75-ամյակին:

Միջազգային խորհրդաժողովի մասնակիցներ

Գիտաժողովի մասնակիցները ցանկություն հայտնեցին գիտաժողովում լսված զեկուցումները հրատարակել հայերեն, ռուսերեն և անգլերեն լեզուներով:

Մ. Մ. ԿԱՐԱՊԵՏՅԱՆ